

no. 18  
Articles, respondus par le  
ROY EN SON CONSEIL  
priué, sur la requeste présentée par  
plusieurs habitans de la ville de  
Bordeaux, & Seneschaulcée de  
Guyenne, sur le faict de la Religion  
qu'on dict reformée.

Publiez en la Cour de Parle ment audict de  
Bordeaux, le 30. iourd'Auril, 1565.

A PARIS,

Chez Charles Perier, rue S. Iean de  
Beauuais, au Bellerophon.

1565.

Handwritten text, likely bleed-through from the reverse side of the page. The text is extremely faint and illegible due to fading and the quality of the scan. It appears to be organized into several paragraphs or sections, but the specific content cannot be discerned.



## AV ROY.



SIRE, vos treshumbles  
& trefobeissans sub-  
iects de la ville de Bour  
deaux, & pays de Bour  
delois, qui sont de la Re  
ligion qu'on dict re-  
formée, vous remonstrent treshum-  
blement que iaçoit par vostre Edict  
faict pour la pacificatiō des troubles &  
declarations d'iceluy, vous ayez ordon  
né que chacun pourra seurement & li-  
brement aller aux lieux où l'exercice de  
ladiète Religion est par vostre Ordon-  
nance estably. Et au demeurant chacun  
pourra viure en sa maison librement,  
sans estre recherché ne molesté, forcé  
ne contrainct pour le faict de sa con-  
sciēce. Et pour mieux vñir vos subiects,

que tous seront receuz à l'administ-  
ration des villes & communautéz, sans  
difference & distinction de Religion:  
nonobstant tous Iugemens, Sentences,  
& Arrestz donnez au contraire, les-  
quelz veüs auez déclaré de nul effect &  
ualeur. Toutesfois les Maire, & Ju-  
ratz des villes, & autres Magistratz, &  
à leur exemple plusieurs personnes pri-  
uez, poussez d'un esprit turbulent &  
desobeissant à vos commandemens, em-  
prisonnent, condamnent en amendes,  
faisissent les biens, & autrement mo-  
lestent les supplians pour les choses qui  
leur sont par vous permises, & d'autant  
que cela tend à l'infraction de vos E-  
dicts, violation de la protection & as-  
seurance que vous auez donnée aux  
supplians: & par consequent à la sub-  
uersion de vostre estat, ils supplient tres  
humblement vostre Maiesté, y pour-  
ueoir, & sur les articles qui s'ensuiuent  
declarer

declarer vostre vouloir & intention.

I PREMIEREMENT il vous supplie treshumblement, Sire, que trestreſtroictes inhibitions & defenſes ſoyēt faiçtes aux Maire, & Iuratz des villes, & à tous les autres, d'emprisonner, moleſter, ou inquieter aucun pour chanter des Pſalmes & Cantiques priuément, & ſans aſſemblées.

Reſponſe.

Permis de chanter les Pſalmes és maiſons priuées, pourueu que ce ne ſoit en aſſemblée, ne en lieu public. Et ceux qui pour raiſon de ce ſont detenus priſonniers ſeront eſlargis.

2 Que nul ne puiſſe eſtre contrainct de fournir le pain qu'on appelle beneiſt.

3 Ne porter par les temples le plat des aulmoſnes que l'on baille aux pauures.

4 Ne payer les deniers des confrairies.

A iii



5 Que nul ne soit molesté pour tenir ou vendre des liures de la sainte escripture, cōmentaires & traictez sur icelle.

Response.

Sur les second, tiers, quart & cinq articles, Nul ne sera contrainct contre la liberté de sa conscience, suiuant l'Edict. Et si aucuns ont esté contraincts par prison, ou vente de leurs biens seront eslargis, & leurs biens rendus.

6 Que nul ne soit contrainct parer ou tapisser le deuant de sa maison, lors que les processions passeront.

Response.

Comme dessus nul ne sera contrainct contre sa conscience, & seront les amendes rendues.

7 L'on commande des festes qui ne furent oncques solemnizées, pour l'observation desquelles l'on recerche les supplians en leurs chambres & maisons, combien que plusieurs de la Religion Romaine ayent leurs boutiques ouueres és mesmes iours. Il vous plaise deffendre à tous Magistratz, & autres de recercher

chercher aucun en sa maison soubz pre-  
texte des viandes & obseruation des fe-  
stes; pourueu que le tout se face sans scā-  
dale.

Responce.

Les gens de mestier pourront besongner à huis  
clos en leurs maisons & boutiques, fors & ex-  
cepté les iours de dimanche, & festes solem-  
nelles, suiuant la declaration sur ce faiëte &  
publiée.

8 Et ordonner que nul ne soit con-  
trainct de faire serment sur le bras de S.  
Anthoine, ne autre contraire à sa Reli-  
gion. Et qu'au refus que feront les sup-  
plians de faire ledict serment, il ne puis-  
sent pour ceste occasion estre referez à  
leurs parties.

9 Que quand les supplians obtiendrōt  
lettres de vos chancelleries en recisions  
de contracts ou pour estre releuez d'i-  
ceux, ilz soyent tenus pour suffisammēt  
dispensez des sermens apposez ausdicts  
contracts, sans demander autre dispense  
aux Euesques ou Curez : Et que les Ju-

ges ne les puisse debouter de leursdictes lettres à faute d'obtenir ladicte dispense.

Responſe.

Sur les huit & neuf articles, Ne feront contraincts à faire ſerment contraire à leur Religion, Et les Iuges paſſeront outre, ſans les aſtrindre à prendre aucune diſpenſe de leurs Prelats.

10 Qu'il ſoit treſeſtroictement defendu à tous Magiſtrats & autres d'enleuer les enfans des ſupplians pour les faire baptiſer ailleurs qu'en l'Egliſe reformée.

Accordé.

11 Qu'il ſoit defendu aux Seigneurs, peres, maris, & maiſtres d'uſer de force ou contraincte pour le faiſt de ladicte Religion.

Reſponſe.

Par l'Edict il eſt defendu de forcer aucun en la liberté de ſa conſcience.

12 Que les reproches des troubles paſſez, & autres, fondez ſur le faiſt de la Religion, & choſes qui en dependent ſoyent



soyent defendus sous griefues peines,  
Et les plaidoyers & actes contenant les  
dicts reproches soyent rayez des regi-  
stres, & defendu aux gentils hommes  
& autres de s'entrequereller, & mettre  
la main aux armes pour raison de ce, à  
peine de la vie.

Responſe.

Par l'Edict est enioinct d'oublier la memoire  
du passé. Et sera enioinct à tous Iuges de punir  
les contrevenans.

13 Que en tous offices & charges,  
tous voz subiects soyent indifferem-  
ment receus, sans auoir esgard à la di-  
uersité de Religion, & sans ce que à l'en-  
trée & reception desdicts officiers au-  
cuns soyent contraincts de faire sermēt  
ou acte contraire à sa conscience.

Responſe.

Les Edicts & Ordonnances seront gardez.

14 Et d'autant que depuis la paci-  
fication, & lōg temps apres icelle, le Pro-  
cureur de la ville de Bourdeaux a re-  
quis, & les Maire, & Iurats ont ordon-

B.

né qu'en l'estat de Maire, Jurat, Conseiller prudhomme, ou autre ayāt fonction publicque, il ne sera esleu aucun qui ne soit de la Religion Romaine, & que par ce moyen l'administration des affaires estāt demeurée par deuers eux. Cela est occasion de maintenir la partialité & diuision entre vos subiects. Il vous plaise, Sire, casser ladicte requisitiō & ordonnance, & ordonner qu'ilz seront esleuz autant d'une religion que d'autre.

Responſe.

Sera procedé par election, sans distinction de Religion, & sans auoir eſgard aux iugemens & arreſts contraires.

15 Que les ſupplians ſeront appelez à toutes aſſemblées qui ſe feront pour la police, bourses des marchans, taxes, impositions & ſubſides : par ce qu'il eſt aduenu qu'en eſtant excluz ilz ont eſté grandement ſurchargez, dont y a infinies appellations interiectées.

Reſpon-

Responſe.

Seront appellez indifferemment les vngs, & les autres.

16 Pareillement que les ſupplians auront ſeur & libre accez au lieu ou l'exercice de leur Religion a eſté par vous ordonné, que les portes des villes & hoſtelleries leur ſeront ouuertes, viures & autres choſes neceſſaires.

Accordé, ſuiuant l'Edict.

17 Pluſieurs inſolences ſont aduenues de ce qu'aucunes perſonnes priuées qui cherchent occaſion de mal faire à leurs ennemis, ſe ſont temerairement & ſans l'auctorité du Magiſtrat, ruez ſur aucuns des ſupplians ſoubs pretexte des preſches ou autres ſuppoſées contrauētions à vos Edicts, Il vous plaira, Sire, defendre ſur peines rigoureuses toutes voyes de faiēt pour quelque couleur que ce ſoit, & ordōner que l'on ſe retirera par deuers les Iuges à qui vous auez attribué la cognoiſſance deſdictes contrauentions, leſquels pro

cederont par les voyes ordinaires de iustice.

Responce.

Toutes voyes de faict sont defendues, & enioinct aux Magistrats de faire obseruer les Edicts, à peine de s'en prendre à eux.

18 . Ceux qui contreuient à vos Edicts, se couurent le plus souuent des arrests & iugemens ci deuant donnez, cõtre les supplians, mesmemẽt de ceux, par lesquels le chant des Psalmes est interdict, & les supplians priuez de l'entrẽe aux maisons de villes, Il vous plaise, Sire, casser & adnuller lesdicts arrests, & faire defenses à tous des'en aider ny les alleguer, sur peine d'estre punis comme cõtempteurs de vostre auctorité & infracteurs de vos Edicts.

Responce.

Le Roy declare nul tout ce qui a esté faict contre ses Edicts.

19 Et generallement casser & adnuller tous iugemens, coustumes, vsances & statuts, par lesquels les consciences des

des hommes peuuent estre forcées , cō-  
tre la profession de la Religion refor-  
mée & liberté permise par vos Edicts.

Responce.

Chacun demeurera en liberté de sa consci-  
ence.

20 Aucuns pour prouoquer le peu-  
ple à sedition, dient publicquemēt que  
auant que soit deux moys tous ceux de  
la Religion seront massacrez, & tiennēt  
plusieurs propos mal sonnans de vostre  
Maiesté, dont y a informations, sur les-  
quelles vous plaira donner prouision.

Responce.

Les informations sont renuoyées aux Iuges  
des lieux, ausquels est enioinct en faire iu-  
stice.

21 Par attestation faicte par les com-  
missaires enuoyez en Guyenne, appert  
que la ville de saint Macaire, ordonnée  
pour l'exercice de ladicte Religion, est  
la plus incommode de toute la Senes-  
chaulcée, & que la plus grande partie  
des plus notables familles de la ville de



Bourdeaux est de la Religion reformée. A ceste cause & pour les inconueniens qui peuuent aduenir pour l'absence & esloignement d'un si grand nombre de vos bons subiects, Il plaira à vostre Maiesté, Sire, accommoder les supplians d'un lieu plus proche, auquel ils puissent aller & retourner en vn iour.

Responce.

Renuoyez au Gouverneur pour y pouruoir, suivant les Edicts & declarations.

22 Pour les choses susdictes plusieurs sont prisonniers, autres ont payé grosses amendes, autres ont leurs biens saisis, Il vous plaira, Sire, ordonner que les prisonniers seront eslargis, les amendes rendues, & que main leuée sera baillee des biens saisis pour les susdictes occasions, attendu que c'est contre vos Edicts.

Responce.

Toutes amendes adiugées contre la teneur des Edicts, seront rendues, & sera faicte main leuée des biens saisis, & les prisonniers eslargis.

Les

23 Les supplians, & auant les troubles  
& durant iceux, & depuis la pacificatiō  
ont tousiours obey à vos Edicts & n'est  
aduenu par leur moyen aucun trouble  
en la ville de Bourdeaux. Parquoy il plai  
ra à vostre Maieité, Sire, en leur accor  
dant le cōtenu aux susdicts articles, les  
maintenir en vostre protection & sau  
uegarde, & ils continueront de plus en  
plus à exposer leurs vies & biens pour  
vostre treshumble seruice. & prieront  
Dieu pour l'augmentation de vostre  
prosperité & santé.

Responce.

Tous subiects du Roy sont en sa protection &  
leur deffend trefestroitement sur les peines  
des Edicts, de se iniurier ou mesfaire les vns  
aux autres.

Faict au Conseil priué du Roy, tenu  
à Valence, le cinquiesme iour de Sep-  
tembre, Mil cinq cens soixante quatre.

Ainsi signé.

ROBERTET.



HARLES par la grace  
de Dieu Roy de France. A nostre trescher &  
tresamé Cousin & frere le Prince de Nauar-  
re nostre Lieutenant, & Gouverneur au  
pays de Guyenne: & aux Seigneurs de  
Burie, de Monluc, nos Lieutenans au-  
dict pays, en l'absence de nostredict fre-  
re. A nos amez & feaux les gens de no-  
stre Cour de Parlement de Bourdeaux,  
Baillifs, Seneschaulx, & tous nos au-  
tres Iusticiers & Officiers, & à chacun  
d'eux. Salut & dilection. Apres auoir  
faict voir en nostre Conseil priué, les ar-  
ticles cy attachez, ensemble les pieces,  
qui ont esté produictes pour la verifi-  
cation, & ouy le rapport du Commis-  
saire à ce député. Nous vous mandons  
& à chacun de vous tresexpressément  
enioignons par ces presentes, que tout  
ce qui a esté par nous ordonné sur cha-

C

cun desdicts articles, vous faictes garder & obseruer inuiolablement, sans souffrir qu'il y soit contreuenue en aucune façon ou maniere, & cōtre ceux qui y contreuiēdront, procediez par les peines indictes, par nos Edicts & Ordōnances, car tel est nostre plaisir. Nonobstāt quelconques Edicts & ordonnances, restrictions, mandemens, defences, & loix à ce contraires. Mandons & commandons à tous nos Iusticiers, officiers & subiects qu'à vous, & à chacun de vous en ce faisant obeissent & entendent diligemment. Et pource que desdicts articles & responses, ensemble de ces presentes, l'on pourra auoir affaire en plusieurs lieux, nous voulons qu'au vidimus d'iceux faict par l'un de nos amez & feaux Notaires & Secretaires, ou deuēment collationné foy soit adioustée, comme à leurs originaux.

Donné



Donné à Valence, le cinquiesme iour  
de Septembre, L'an de grace, Mil cinq  
cens soixante & quatre. Et de nostre re-  
gne le quatriesme.

Ainsi signé.

Par le Roy en son conseil.

R. O B E R T E T.

Et seellé du grand seau dudit Sei-  
gneur, de cire iaulne à simple queüe pē-  
dant.

C ij



Charles par la grace de Dieu  
Roy de France. A nos amez &  
feaux les gēs de nostre Cour  
de Parlement de Bourdeaux.  
Salut & dilection. Les habitans de no-  
stre ville de Bourdeaux qui sont de la re-  
ligion qu'on dict reformée, vous ont  
présenté les articles, sur lesquels nous  
auions ordonné ce que nous entendîs  
estre faict, gardé & obserué sur iceux,  
avec nos lettres patētes du cinquiesme  
iour de Septembre dernier, par lesquelles  
vous est mandé faire garder & obser-  
uer inuiolablement, ce qu'auoit esté par  
nous faict sur chacun desdicts articles,  
& proceder contre ceux qui y contre-  
uiendroyent par les peines portées par  
nos Edicts. Et cōbien que tous les arti-  
cles & ordōnances soyent conformes à  
l'Edict de pacificatiō que vous auez pu-  
blié, & que le tout ne tend à autre fin,  
qu'à l'observation dudit Edict de paci-  
fication,

fication, & que vous les deussiez sans aucune forme ne figure de procez auoir faict publier, garder & obseruer: neantmoins vous les auez faict communiquer à nostre Procureur general, qui a requis estre communiquées aux Maire, & Iuratz de Bourdeaux, & leur estre enjoint assembler le cōseil de la ville, pour deliberer sur la responce qu'ilz pretendoyent faire, ouurant la voye ausdicts Maire & Iuratz d'empeschier l'executiō & obseruation de nos ordonnances cōformes à l'Edict, dont est prouenu que lesdicts Maire & Iuratz ont empesché la publication & obseruation de nos ordonnances, soubz couleur de ce qu'ils dient que quatre de ceux de la Religiō, auroyēt requis la publication, tāt pour eux que pour leurs adherans, & adherer voulans, pource faict faire ce qu'il appartient, pour nourrir troubles, & diuisions entre nos subiects. A quoy est

tresrequis & necessaire pourueoir,  
pour la consequence, & importance de  
cest affaire.

A CESTE cause. Nous par l'aduis  
de nostre Conseil, auquel la coppie des  
articles & ordonnances, lettres patētes,  
vos ordonnances & responses de nostre  
dict Procureur general, & des Maire, &  
Iuratz, cy attachez, soubz le contreseel  
de nostre Chancellerie, ont esté veuës.  
Vous mandons & tresexpressément en-  
ioignons par ces presentes, lesquelles  
nous voulōs seruir de derniere iussion,  
qu'incontinent apres la presentation,  
que vous sera faicte d'icelle, par le pre-  
mier nostre Huissier, ou sergent que re-  
quis à ce faire commettōs sans vous ar-  
rester, ne auoir esgard à la response de  
nostre dict Procureur general, & des-  
dicts Maire, & Iuratz, vous faictes lire,  
publier, & enregistrer lesdicts articles,  
ordonnāces, & lettres patentes, tant en  
l'audien-

l'audiēce de nostre dictē Cour, qu'en la  
maison Commune de la ville de Bour-  
deaux, à cry public, & à son de trompe:  
par les cantons, & carrefours d'icelle, &  
à l'obseruation d'iceux, contraindez, &  
faictes cōtraindre, tous les habitans, &  
autres qu'il appartiendra, par les voyes,  
& contrainctes portées par nos Edicts  
precedens, & faisans proceder cōtre les  
infracteurs extraordinairement, com-  
me contrefaicteurs de nos Edicts, & au-  
tremēt, cōme vous verrez que l'importu-  
nité de l'affaire le requerra, receuant  
ceux de ladicte Religion, tant en corps  
que par procureurs, & aduocatz, qu'au-  
tremēt à requerir la publication & ob-  
seruation desdicts articles, lettres susdi-  
ctes, & autres nos lettres qu'ils ont obte-  
nues, & obtiendront de nous, soit pour  
le faict de la Religion, qu'autres affai-  
res, & nous certifiez de la publication,  
& obseruation, dans vn mois apres la



presentatiō desdictes presentes . Car tel  
est nostre plaisir. Nonobstant quelcon-  
ques Edicts , ordōnances, restrinctions,  
mandemens, defences & lettres à ce cō-  
traires. Mandoñs & commādons à tous  
nos Iusticiers , officiers, & subiects qu'à  
nostredict Huissier ou sergent sans de-  
mander permission, placet, visa, ne parca-  
ris, en ce faisant soit obei. Donnē à Mōt  
pellier le vingtneufieme de Decembre,  
L'an de grace mil cinq cens soixāte qua-  
tre, Et de nostre regne le cinquiesme.

Ainsi signé.

Par le Roy en son conseil.

ROBERT ET.

Et seellé du grand seau dudidict Sei-  
gneur, de cire iaulne à simple queüe pen-  
dant.

Leuēs

Leuës, publiées, & enregistrées ouy,  
& non empeschant le Procureur general  
du Roy, soubz les modifications cõ  
tenues en l'Arrest de la Cour, huy dõné  
sur la publication desdictes lettres. A  
Bourdeaux en Parlement le trentiesme  
iour d'Auril, Mil cinq cens soixante  
cinq.

Ainsi signé,

DE PONTAC.

D



**P**R E S lecture faicte de certaines lettres patentes du Roy obtenues par les manans & habitans de la ville & Cité de Bourdeaux, & pays de Bourdelois soy disans de la Religion pretendue reformée, contenant mandement & tresexpresse inonction à la Cour de faire lire, publier, enregistrer les articles presentez audict Seigneur par ceux de ladicte Religion, & responses & ordonnances faictes par ice luy Seigneur sur chacun desdicts articles en son privé conseil tenu à Valence, le cinquiesme iour de Septembre mil cinq cens soixante quatre, attachez ausdictes lettres patentes soubz le contreséel de la chancellerie, icelles lettres patentes données à Montpellier le 29. iour de Decembre audict mil cinq cens soixante quatre: ensemble lecture faicte desdicts articles, responses & ordonnances sur chacun d'iceux faictes par le Roy.

Et que la Burte pour lesdicts manans & habitans de la ville & cité de Bourdeaux, pays de Bourdelois, Seneschaulcée de Guyenne estans de ladicte Religio qu'ils disent & maintiennent estre reformée. A requis suyuant la volonté du Roy, expresse & geminée, cōme il a dict par trois iussions: *lecta, publicata, & registrata*, estre mis sur lesdictes lettres patentes, articles & ordonnances: & outre que le tout soit leu & publié à son de trompe & cri public, par les lieux accoustumez & y declarez, & que inhibitions & defences soyent faictes à toutes manieres de gens, sans nul excepter de contreuenir à la volonté du Roy, contenue esdictes parentes & iussions. Et par ce (comme il a aus

fi

si dict) que les Maire & Iuratz de Bourdeaux deuë-  
ment informez desdictes patentes & iussions ont cõ-  
treuenu & iournellement contreuiennent à icelles, fai-  
sans actes contraires contre ceux de ladicte Religio,  
iceux en ont faict informer, & les informations sont  
par deuers le Procureur general du Roy, requerans  
qu'il plaise à la Cour les veoir, & y donner telle pro-  
uision qu'elle verra estre à faire. Et neantmoins qu'il  
leur soit permis de plusamplement informer sur les-  
dictes contreuentions faictes par lesdicts Maire &  
Iuratz, & autres aux Edicts du Roy, cõcernans ce que  
dessus. Aussi estàs aduertis ceux de ladite Religio que  
le Roy par son Edict de Cremieux, auoit cassé & ad-  
nullé toutes electiõs des Maires & Iuratz escheuins.

Sur ce, la Ferriere pour le Procureur general du  
Roy, a dict qu'il n'est à present question de ce que la  
Burte veut plaider, & pour le regard des lettres patē-  
tes du Roy, articles & responses, dont presentement  
a este faicte lecture, a dict ne vouloir empescher que  
*lecta, publicata & registrata*, y soit mis, à la charge toutes-  
fois que ceux de ladicte Religion ne pourront faire  
Sindic, Corps, ne Colloge. Et lesdictes lettres & arti-  
cles ne seront publiées qu'au parquet de la Senes-  
chaulcée de Guyenne, & à la maison commune de la  
presente ville de Bourdeaux seulement.

LA Cour a ordonné & ordonne qu'au bas desdi-  
ctes lettres patentes du Roy, sera mis, leuës, publiées  
& enregistrées, ouy, & nō empeschant le Procureur  
general du Roy. Et neātmoins declare ladicte Cour,  
Après auoir sur ce plus amplement ouy & entendu  
le bon vouloir dudit Seigneur. Qu'il suffira que  
lesdictes lettres patentes, articles & responses, &



ordonnances susdictes soyent leuës, publiées, & enregistrés és parquetz & auditoires des Cours du Seneschal de Guyenne, & des Maire, & Juratz de la presente ville, plaids tenans seulemēt. Ce que ladicte Cour ordōne estre faict au premier iour. Et pour le regard du surplus du requisitoire du Procureur general du Roy. Ladicte Cour apres auoir pareillemēt sur ce entendu le bon vouloir & plaisir dudit Seigneur, a dict & declaré, dict & declare, que ceux de ladicte Religion pretendue reformée, ne se pourront assembler en corps, ne college, ne par syndicat. Bien pourront les particuliers d'icelle, presenter leurs requestes audit Procureur general du Roy, & par le moyen d'iceluy à la dicte Cour, ou si bon leur semble directement, & d'eux mesmes à icelle Cour, sans estre tenus passer au preallable par les mains dudit Procureur general. Pourront aussi & en mesme maniere trois ou quatre pour le plus d'icelle Religion, presenter leurs requestes indefinement, & pour & au nom collectif de ceux de ladicte Religion audit Procureur general, & par son moyen à ladicte Cour, ou directement & sans circuit dudit, mesme à icelle Cour. Et sans estre tenus de se nommer particulierement par icelles requestes, pour en auoir tel droit, & raison qu'il appartiendra, & contiendra le registre de la Cour. Le surplus du requisitoire dudit la Burte, faict pour ceux de ladicte Religion, afin aussi d'en ordonner au premier iour comme de raison.

Ainsi signé.

DE PONTAC.

Collation est faicte.



Publié en la Cour du Seneschal de  
Guyenne, le neuvieme iour de May. 1565.

Table de la Cour de l'Ordre de  
Saint-Jean de Jérusalem



